

永樂大典

卷一四〇四九 祭字

卷一四〇五〇 祭字

卷一四〇五一 祭字

卷一四〇五二 祭字

永樂大典卷之一萬四千四十九

四霽

祭 祭文七

知縣宋蘇頌撰集祭王子敏知縣文 維年月日具官蘇轍喪失官未安
羞之奠致祭于故知縣奉議王君子敏之靈昔我在宋吾兄饗楊誠九叔
仲來學詩書行義不回詞章有餘我曰可人綴以婚姻既親則至親實則
新伯氏不淑殯于方春君登丙科又敏于政惠于上官民亦不唱我和我少
氣和而止孝友之善中銓於誠均其有無以及孤嫠嫁女娶婦期不負兄
我居潁川君令陵臺十日稅駕為我徘徊受法道師不近酒杯我願君笑
自若奚為隙駒逝矣為樂何時去我三年遂病以喪失官居汝啓處未安
伏枕不興將沒何言有志弗從使我永歎嗚呼尚饗楊誠齋集祭九叔
知縣文 嗚呼惟我與公豈如他人族則小疎情則至親名則二人實則
一身自幼至壯于學于仕我有公隨公無我棄公唱我和疇同疇異我少
也賤無廬于鄉流離之悲我豈無腸公曰子歸子生我里他邦之人何得
留子卜鄰接屋此心疇知竹林之遊老以為期別公三年此豈曰久如何

公歸乃在于樞。我忽無公。如履失梁。如駕失輶。如涉失航。天乎痛哉。爲用
乎天。曰天與善。公胡爲然。厥保栢竹。厥德龜玉。厥詩厥文。凡今之獨。天不
祐公。曷付之茲。既曰付之。曷不祐之。西垣南臺。皆公知己。薦口方開。公則
已矣。我以官拘。會哭則那。寓辭一哀。公乎奈何。尚饗。周益公大全集祭廬陵
翁知縣文。惟君廉平之政。豈弟之謠。龜勉二年。如一日。朝夕聽弦歌。忍
聞蕭蕭維梓。必恭陳此簞瓢。劉漫塘先生集祭梁節卿知縣文。嗚呼哀
哉。仕莫難於更選。謂墮選坑。而公卒勤積年。亦既班改作。邑人所難。謂負
邑債。而公拊摩彫瘵。亦既三載。夷塗在前。通行無碍。云胡不淑。而降疾殆。
跡其平生。勇於爲人。而已不自謀。義之爲重。而財非所會。蓋年如一日。然
宜提福之未艾。而止於斯。疇不興慨。某早托姻聯。屢承規誨。梁節卿知水
隔。想音容而如在。年衰既憚於奔馳。地遠莫親於祖載。扶淚既班改作。恣
酌庶或享之。公靈不昧。真西山文集祭慶元張知縣墓文。無碍云胡哀
姿。疑乎其山。立潔白之操。凜乎其淵。澄發之於文。則粹然義財。非所會。負
有政。則藹然豈弟之稱。奈何進不獲踐清華之臚。仕退不獲應。屢承規誨。
齡豈福善禍淫之訓。有時而不可必。抑天之與人。或殊其好惡之情。嗚呼。
哀哉。某之於君。情深義厚。而違奠之行。不得執其紳。臨穴之際。不得以拊

其極此所以慟焉於中而不勝自咎也。雨露既濡。愴然懷舊。何以薦誠。唯此卮酒。雖欲見君。掀髯捧腹。一笑舉白。而不可復得。徒想像其平生。有哀涕其如溜。嗚呼哀哉。陳耆卿資憲集路祭王知縣文。嗚呼葉縣之政。發源君家。鳬舄不朝。奄落暮霞。我我青山。等是死爾。腸以送之。不如我同里袁蒙齋先生集祭甥林慶中知縣文。嗟哉慶中。我心傷感。汝母守志。兩髦是髻。鞠汝誨汝。攻苦食淡。幸汝成立。母心莫憾。嗟哉慶中。生理蕭蕭。母之室廬。一朝延燒。勢婦寄寓。風雨漂搖。母心懷憂。死于無聊。嗟哉慶中。汝既孝只。天半奪之。無母奚恃。自茲從仕。情味薄耳。忽夫汝歸。禍乃如此。嗟哉慶中。孑然一身。賴有伯父。教汝諄諄。胡然一疾。竟爾沉淪。兒方襁褓。見者酸辛。嗟哉慶中。死生晝夜。汝既通籍。世俗所詫。汝之不亡。王祥流亞。我心悲傷。寓此一竿。王東牟先生集祭楊仁靖知縣文。嗚呼。天之生賢。若將有為。已而不然。人胡不悲。惟君所秉。柔惠正順。內施于家。外施于政。視人如傷。誠意殫盡。人有七情。君其去之。無好無惡。孰樂孰欲。喜不形於顏。揚怒不存於心曲。惟哀獨存。化為畏懼。早恭謙和。行必擇路。上天之報。意其必豐。如何不淑。官止一同。顯惟飄零。寄托末屢。聞君之訃。志奪氣捐。遙致薄奠。哀情莫宣。魂而有靈。監此誠憤。王灼願堂先生集祭湯敷文文全道。

初公之來老稚歡迎平昔鄰壤已熟治聲姦吏重足良民拊髀教條一出坐以無事轉輸金轂銜命近畿急流勇退公曰懷歸惓惓息名藩公則歸矣微病不復萬事遂已忠厚之德敏達之才不盡天付竟未大試公耻自媒壽宜千億僅踰七十神理誰測哭者罷市同詞相吊奪去良牧柰此邀徵公棄我歸受我此觴如朱仲卿永配桐鄉

縣丞唐權載之集祭故建昌崔丞文

維貞元十一年歲次乙亥十月

朔日姪女婿起居舍人知制誥權某謹以清酌庶羞之奠敬祭于故洪州建昌縣丞崔六伯之靈伏惟北州茂族中膺今人行有枝葉道無緇磷居常葆和動不違仁素履坦坦閨門申申子真恬退張仲孝友淡而不厭晦而能久亦既再命皆以退閒天爵之外視如浮雲謝病郊園深辭世紛遲多芝朮家有典墳心遊杳冥手植芬氤行樂春晚開襟日曛謬忝嘉姻獲奉深分曩時上策旅食江郡一葦可航百里而近長筵式宴虛室清論少長無違琴瑟迭進仰名教之可樂見義方之善訓暇日則多窮年無悶不耗天理同乎大順頃服朝命言旋帝鄉畫室出祖至于朱方離居未幾四換炎涼幽計忽來哀何可忘山川阻遠情禮未展化塗潦以無由想音徽而在眼敬爰知禮禮也聞詩昔著婦行今推母儀婉彼令姪承哀涕洟遠

切諸孤之痛。難追世父之慈。有生必化。從古同轍。玄酒清滌。用申永訣。寄懷斯文。于彼臨穴。元昊激支言集祭樂安縣丞黃從事文。嗚呼公生於梁。長於梁。老於揚。卒於揚。其質厚。其氣剛。其見定。其行方。始也辟地出蜀而遊。終也辟世入山而幽。出蜀伊何。崎嶇萬里。潔身以去。就祿而仕。入山伊何。優游卒歲。儉德以處。得正以斃。辟地以生。陳子之清。辟世以死。張子之寧。清則雖生而不辱。寧則雖死而猶榮。初予識公于道守之庭。聞公為當代鉅人所敬。聽其言論風旨。於是而信公之名。既而從公於貳令之廳。見公為一邑士民所愛。視其政事設施。於是而得公之誠。曾幾何時。風震雨凌。公於斯時。蟻蝨小官。蹇蹇于下。事不辭難。又幾何時。地陷天傾。公於斯時。嘓嘓微軀。行行於中。義不受汙。嗚呼。平居無事。凡百有位。街才華。矜科第。挾崇高。夸寵利。憑陵萬夫。傲睨舉世。及至一旦。茫無寸計。臨難苟免。從風披靡。自說龍蛇。不愧犬豕。胡為乎寒松勁草之心。乃見於下邑庶僚之底。如公之志。有隕無貳。如公之節。霜嚴日厲。人知公禍福不動為一時之勇。孰知公完養有素。非一朝之故。公之劬書耆學。寒暑不廢。每憂然於芳草之艾。蕭公之安居守賤。表裏一致。常怡然於陋巷之簞瓢。公之好賢樂善。心口嘆喟。恨不即上之青霄。公之憤世嫉邪。辭色峻厲。恨不即肆之市朝。

違祈死之不得。慨偷生之不聊。爰投迹於魑魅。任爭席於牧豕。憂患之端。殆無時而不有。勁直之氣。不與累而俱消。外無撓而力毅。內有主而神全。惟其所禀之異。所學之正。是以雖老益壯。雖窮益堅。聖人未見剛者。如公蓋庶幾焉。嗚呼。知公惟予。知予惟公。今其逝矣。欲見何從。有山崇崇。有水溶溶。今其藏矣。哀慟何窮。冥冥潛德。凜凜高風。一觴永訣。尚鑒予衷。

主簿宋范太史文集祭從叔主簿文

某至和之初。越來京師。叔在樞樞。

茂質日舒。嘉祐之末。再未赴舉。叔始總角。從師受書。風姿粹美。如王之瑜。熙寧元豐。侍行入洛。文章論議。煒煒卓榮。如蘭之茁。以至護郁。如麟之育。

以見頭角。如何不淑。蚤世隕落。三十年間。如夢一昔。嗚呼。親則叔尊。年則姪老。誰謂中年。反哭壯少。人生一世。孰謂永久。譬如共行一塗。至有先後。

其間脩短。竟亦何有。惟其不亡。是謂不朽。尚饗。蔡瑞明集祭河南主簿張正夫文。謹以薄奠致祭。正夫之靈。夫安仁義而遺勢利。其特立君子乎。

君子之為。無所議道焉。唯仁義勢利。雖然其中。予於所嚮之厚。以觀其終。正夫樂聞仁義之說。所嚮雖厚。天奪之年。予不得觀其終矣。嗚呼。哀哉。尚饗。

劉漫塘集祭梁子重主簿文。嗚呼。哀哉。富貴人所欲。患無其基。子世上。御冠佩我巍。早歲承恩。綠綬班衣。藝闈一鼓。奏凱遍歸。華堂淨深。奠瓦。

雲齊田穀千箱。園花四圍。廬山後前。再通瓜期。逸駕駸駸。孰並子馳。云胡不淑。而止於斯。壽亦所敘。患無其資。子性高明。紛華弗迷。彼事燕遊。酒肉淋漓。或事婦人。嗟嘯嚙。否亦玩物。厭常喜奇。市馬駿骨。買方不龜。子獨澹然。干頃澄波。黃髮兒齒。非子而誰。云胡不淑。而遽臻茲。嗚呼哀哉。父在觀志。沒觀所為。三年無改。亦既過之。膠柱調瑟。更張則宜。拳拳子心。厥有成規。戶庭必肅。契要必稽。有出無濫。有入無欺。戰戰兢兢。臨深履危。以保厥家。俾成無虧。云胡不淑。弗究厥施。嗚呼哀哉。翰林而生。孰無母慈。母懷自首。曰季馬依。結髮為婦。比翼連枝。所期百年。學按齊眉。切子在娠。長方兒嬉。哀婦姑。忍是之思。某以肺腑。識面孩提。十載相從。誠意畢推。書墨未乾。計者在舅。月照屋梁。尚想容儀。臥病江濱。寄情一卮。紙辭長慟。知乎不知。孫燭湖先生集祭沈元授主簿文。嗚呼。楊淫福善。天實宜之。回大祐壽。竟孰尸之。鴻濛幽紛。吹萬不齊。使我蒸人。為歡為悲。嗟嗟元授。生也百罹。孤孽一身。凜然自持。其未有家。風雨塗泥。既勤既營。賓祭孔時。實孝實敬。實直不欺。實義實康。實篤不疵。鄉有偉士。學者有師。以若所負。莫量厥施。嗟嗟元授。命則爾達。半生橋門。往來栖栖。蹭蹬一官。不及療飢。五十有三。何數之贏。寡妻稚子。有女未笄。門戶單寡。孰撐孰支。嗚呼哀哉。自我識

君十六七年。我支我昆。我嫻我連。好我知我。期我以賢。其群僂僂。其別悄悄。憂君之病。幸君之痊。亦既見止。喜悅翩跹。曾是不避。而隔終天。入門拊。捩淚下。進泉。自古有死。今亦何言。歎哉。一觴鑒我惓惓。

縣尉宋錢塘韋驥先生某祭海門牛縣尉文。君勇於擒盜。約於奉身。勤

勞江海之間。被染疫癘之氣。嗟然遊去。良可嗟悼。靈車將行。故里何在。聊

陳薄奠。以慰旅魂。尚饗。衛傳定庵類葉祭張縣尉文。嗚呼。公之少年。氣壓里

閭。志有事於四方。羞搗項乎一隅。去閩嶺。以長嘯指谷陽。其我居。曾閱歲

之幾何。而坐致乎名與利。俱謂將官一日。而九遷。壽百歲。而不渝。胡為乎

天之不淑。止中道而乃殂。嗚呼哀哉。孰有能居官如吉仲之嚴且明者耶。

孰有能惇親如吉仲之義且情者耶。孰有能卹孤如吉仲之樂且誠者耶。

嗚呼哀哉。吉仲之生也。勇有餘。而嬰物之方怒。言甚壯。而輕身之不貲。今

其亡也。衣冠慘其繪事。音容閔而莫覩。載遺車以在塗。悲送客於兩岐。有

者在俎。有酒在卮。能復高歌以自侑。說劍以相怡耶。嗚呼哀哉。尚忍言之

耶。吾儕姻親。相與歲時。君肅于門。喜見於眉。今其往矣。終天之思。遮道一

樽。歌此奠詞。嗚呼哀哉。尚饗。真亞山集祭林縣尉文。某往者初守泉

山。與彬之遊。凡尊先賢。勵末俗。有關於教道者。賴君建明為多。而貢宇之

增闢。亦其始議。及再至而君逝矣。追念昔者為之水慨。裏事有期。輒陳薄奠。屬君仲氏。為薦陳之。靈兮彷彿。尚克來享。林希遠竹溪文集祭高安林縣尉文。嗚呼。卿月竟止斯乎。一第乃爾。不第何如。燈窗勤勤。蚤歲雙宇。所幾成身。以慰父母。年踰六十。始祿其衣。風木之感。言之涕洟。黃綬而西。聊復爾耳。三易郡侯。非不知已。霜臺一剡。方爾萌芽。春雖有信。梅猶未花。俄爾書來。以歸檄告。我復其書。僕猶未到。何恙靡已。遽殞其身。抱紳鳴玉。世界何人。君於交遊。夙有美譽。文室而通。又厄以歎。士非僚隲。孰不求名。如斯而已。亦曰有成。人世空花。短長皆夢。底許匆匆。則亦可痛。總惟一慟。宜速而還。巫酌以告。云胡不悲。清漳集李公懋祭長泰陳縣尉文。謹以清酌庶羞之奠。致祭于長泰縣尉陳君之靈。嗚呼。公白屋以窮儒。方取科第。作尉于長泰。憤賊之擾民。銳意誅討。力不能抗。卒陷于賊。斷其支體。宛轉號呼。數日而盡。嗚呼。痛哉。廣東總管韓公掩捕劇賊。俘馘殆盡。今取華齊葉八高四首級。以告公。此殺公之賊也。又以紙錢百賻公之家。使致其喪歸鄉里。且督趣州縣。其實聞朝廷乞命公之子。以官庶幾慰公千古憤鬱之氣。嗚呼。公堂有偏親。室有稚子。其將何所託乎。抑有親戚故人。追念乎。素出力以輕其家者乎。不然。有富室大族。感憤義烈。捐金指廩。以敦鄉

曲之義者乎。嗚呼痛哉。人等死耳。死於獄。死於貨。死於姦。使其視公之死。於職事得無愧乎。儻人不能左提右挈。以脫公之厄。必將鑒公之忠誠志節。以昌其後。公死無愧。余言不欺。鬼其安之。尚饗。

教授周益公大全集祭林虞仲教授文。維乾道元年歲次乙酉。六月戊

寅朔十三日庚寅。具位劉令猷。具位周某某。謹重以清酌茶果之奠。告于虞仲教授同年林兄之柩。嗚呼。君學雖苦。詞藻則敷。君貌雖瘠。志氣則腴。一弟起家。遊遊亨衢。百艱隨之。寸步崎嶇。再終親喪。小試師儒。談經一年。乃與病俱。臨食不盡。逢觴不斟。臥榻頻仍。人為君虞。君獨謝醫。我疾且蘇。卒莫能興。豈命也夫。人生夢幻。百年須臾。何壽何夭。何榮何枯。君則往矣。傷哉其孥。男齒未龀。女髻未髻。弔者酸辛。忍聞呱呱。情義所敦。況於吾徒。邈為七閩。南負海隅。何以再拜。瞻墓之榆。何以千里。撫君遺孤。薄酌我酒。薄奠我芻。哭送江濱。目斷橋烏。終天之訣。已矣嗚呼。伏惟尚饗。史林楊湖居士集。祭王教授文。世之賢而才者少。天者亦少。少者稀有。天胡與之以世之所少。世之富且康者多。壽者亦多。多者易得。天胡奪之以世之所多。天乎。天乎。謂止而醵子之賢才。閭里惟過。鄉吏屬薦。愈鈍愈磨。一鳴驚人。金榜巍巍。藍綬拜親。萼聯科。相若其知。命教以師。同日並除。兄弟一時。吾無

幾何何哀之耶。相繼奄忽。誰意蹉跎。予哭于兒。予懷之悲。予之來弔。予勸
為誰。淚下如洗。自古有死。耳未遽忘。子亦為鬼。天乎天乎。果不可恃。子不
子外。子不予。鄙探錦索。異好賤嗜。子之云亡。詩成誰寄。墓旁可封。子將
為文。塚而效。夫劉蛻。嗚呼哀哉。尚惟饗之。彭止堂集祭戚教授文。嗚呼
伯瑞止於此耶。一氣聚散。抑其理耶。散不足憂。聚何喜耶。而我拳拳悼君
死耶。抑有所感。不自己耶。交遊固多。孰若比耶。靜而不浮。山之歸耶。動而
有勇。川之逝耶。稟氣之全。如此幾耶。命之不長。其誰使耶。嗚呼已矣。吾誰
啓耶。莫寄此哀。唯此紙耶。嗚呼哀哉。伏惟尚饗。謝無逸漢堂集祭汪伯更教授
文。維政和元年歲次辛卯二月甲午朔十八日辛亥。友人濮陽吳琛弟
賀姪與涑陽夏謝逸弟邁。謁川陳之奇。弟考國江夏黃洙。渤海李端卿。濟
陽江野。謹以清酌之奠。昭告于亡友伯更。教授之靈。嗚呼哀哉。天之生賢。
疑若甚艱。何生之甚艱。而奪之甚速。孰若初不生賢。而皆生不肖。庶幾享
其壽考。而保其爵祿。彼不肖者。何德於天。而畀之以富貴。輔之以康強。彼
賢者。何負於天。而嬰之以疾病。申之以困辱。豈禍善福淫者。古人之我欺。
而蒼蒼者終不可卜耶。嗚呼哀哉。廉耻道喪。忠義氣塞。乘時射利。變節從
俗者。滔滔皆是。乞食墻間。紙痔得車者。面有德色。故譏邪如山。貪墨成市。

而莫之救藥。正人端士。無辜顛天。而無與明白。嗚呼哀哉。孰有記問該博。文章敏贍。如吾伯更之學。孰有忠孝純全。操守堅正。如吾伯更之德。孰有貧賤困厄。而不為利勢所回。如吾伯更之勇決。孰有苦糲入廣衆中。而防患周身。如吾伯更之慎默。人誰無兄弟。孰有如吾伯更之愛敬。人誰無朋友。孰有如吾伯更之諒直。至於晚聞祖師之道。而知死生之說。則伯更之高妙超邁。又非寡聞淺見者之可測。奈何家貧母老。而益之以憂患。妻死無後。而困之以奇疾。一臥不起。奄忽以逝。而遂有幽明之隔也。嗚呼哀哉。宜其信然耶。豈其傳之妄耶。以為信然。則伯更之賢。不應止此。以為傳之妄。則叔野之計。不吾誑也。今舟次于水濱。而旅櫬寄於浮屠。信乎其然矣。則想其平生。思其出處。不知其所如往也。嗚呼哀哉。伯更胡不為我少留乎。胡為遽捨我而去乎。豈不念風搖竹牖。青燈夜寒。讀書而飢吟乎。豈不念野步水東。濯足南湖。焚香清坐於蕭寺乎。豈不念談論古今。譏評得失。慷慨激昂。以為壯乎。豈不念夜飲達旦。抵掌笑歌。詠諧嘲諷。以為戲乎。豈不念致君澤民。激濁揚清。相期為立朝之事乎。豈不念買田築室。鑿池種竹。相約為隱居之計乎。若此事之小者。固伯更之不念。豈不念弟妹婚嫁。何以為成禮乎。豈不念老母垂白。何以奉甘旨乎。朋友固不足道也。何忌

棄其母弟而不顧乎。嗚呼哀哉。賀將以城南之地葬伯更。而助其生事。而逸又狀伯更之行。而乞呂氏銘其墓。叔野被薦而逸與之俱行。弟妹昏嫁。琛與諸友皆為之調護。諸弟皆欲砥節礪行。種學積文。期有所建立。苟或怠墮荒嬉。則朋友交攻而聚罵之。而伯更之靈。陰有所訴。居仁書來。欲為伯更立謚。如孟東野。而逸以謂私立名號。迺相標榜。恐其禍有不測。如東漢之黨錮。况韜光晦迹者。伯更平昔之心。而聲名暴耀者。亦伯更之所惡。伯更之德行卓卓如此。雖不立謚。而名自垂於萬古。琛等與伯更相別之後。髮益白而齒益搖矣。尚有此身。復不知幾寒暑矣。人皆一死。先後不同。伯更之死。已安其死矣。嗚呼哀哉。有酒在觴。有殷在俎。頃屬懷抱。寓此毫素。不知伯更尚能知否。一慟腸裂涕泣如雨。嗚呼哀哉。伏惟尚饗。元滿道源集祖奠董教授紹昌文。惟靈眉山盛族家世書詩。壯歲北徙。以儒業贅老成忠厚。心無自欺。唾面自乾。不校雄雌。捐金報本。開天有基。天道不借。報復其宜。晚膺一命。為醫之師。瘡氣所染。吉門可疑。造化終相。痛苦莫施。起居如常。屬續弗迷。七秩有五。恨不期頤。惟我先子。共飲玻瓈。繼以締姻。天豈人為。亦遽逝矣。重我懷悲。祖奠永別。靈其鑒知。宣教宋復齋先生文集祭周宣教文。惟公厚德。克享富壽康寧。考終。五

福咸備而子孫之孝誠所以送終者無不盡其至則公之哀榮終始可以無憾矣。惟鄉閭族姻失所宗仰。後生小子不復見寬厚長者之規摹。疾病困厄者不復蒙所以拯救撫卹。與夫銜思慕德者其情皆有所不能自己。此其所以家悲人感。悽愴慕戀之不能忘也。其辱在子蟠而以衰荒衰疾不得與執紼之列。痛念不復得見老成。敢致薄奠以寓永訣之意。奉行之省。齊文集祭劉宣教文。東惟靈蚤中鄉選。晚登科名。學以苦兢。仕則未伸。於朋友有信。於親族有情。高誼大志。樂善教人。惟予與公情意交深。少年為友。中年為姻。以妙理教我子。以至言悅我心。思從遊之至久。俄死生之乃分。悲公之身有祿而不得終養其母。念公之子有祿而不能致養其親。何吉士而悖五福之康寧也耶。清酌既奠。庶羞既陳。再拜流涕。靈其是歆。祭王宣教文。安常惟公抱負正學。襟期古人。詞源倒啖。摘筆生春。挂籍俯拾。拔足蒿塵。仕不苟進。志在養親。蘊其所受。屈而未伸。謂宜闊步行涉。要津胡為一疾。遽殞其真。嗚呼哀哉。脩短固有定。而公之歎才踰知命之年。死生固無憾。而公之堂且有垂白之老。顧天道之難測。而公去之何早。嗚呼哀哉。恨切九泉。痛極終天。逝水不返。遺言是編。惟公之後有子曰賢。當益大乎公之門。而公於此復何憾焉。安常夙通閭閻。復締網聯。方蒿倚。

之是託。何哲人之遽僂。嗚呼哀哉。有酒且旨。有俎登筵。駕哀一騎。頒涕潛然。公其來歸。鑒此拳拳。

學諭宋庠行之省齋文集祭范學論文。孟卿竊惟名門冠于衡陽。昆弟文譽父子危料。鄉邦所難。曾無一憾。惟堂前之萱草方榮。老萊之斑衣遽爾。噫。天上之白玉樓成乎。地下之脩文郎缺乎。惘然蝴蝶成莊周之夢乎。不欲封侯。甘赤松之游乎。嗚呼哀哉。

總幹宋陳耆卿貧窶文集祭王存道總幹文。嗚呼。存道手足以揮萬字。芳不能取一京秩。舌足以瀉三江。芳不能想其窮於造物。伊少日之奕邁。芳可以橫飛於空闊。誰牽其翼。使下垂芳。乃欲達而不達。屹賢書之兩登。芳且遲遲乎一枝之折。稔之以太學之蘆鹽。芳始升名於解褐。人意其平昔之抱負。芳可以勇行而不艱。素之何入眼之青衫。芳已不棄乎垂脰之白髮。沃教雨於洪都。芳慰儒生之枵渴。屈俎豆而裨軍餉。芳疑其不足以有發。或曰。梯遠而級大。芳固無嫌於猥屑。胡稟命之不融。芳。歲百年於飛雪。慨吾黨於膠庠。芳早相從而甚悅。耳驚聞於不祥。芳初甚疑其浪說。恍二千里之銘旌。芳自湖湘而歸浙。乃知君之果死。芳欲呼天而孰為之徹。嗚呼萬事無端。芳前途如漆。一生英槩。芳今丘今穴。氣有聚散。芳豈問賢。

哲文以為酌芳千秋此別。

巡官唐季文公集祭劉巡官文 維元和七年歲次壬辰九月丙辰朔十

五日庚午觀察判官攝監察御史李翱等謹以清酌庶羞之奠敬祭于劉君之靈我等與君同列賓筵共食偕行歲辰在遷公事多暇嬉遊自殷抑

垂於集作于塘荷秀于川或泛在水或登在山歌京本作飲酒終夜腸膈

往還笑言無戾咸盡其歡君實強盛時惟壯年宜哉壽考福祿來臻奈何

遭疫集行疾針藥弗痊日冀返初憂危遽傳長路未極琴書忽捐嗚呼哀

哉堂有老母室有少妻幼男稚女蜀本作幼女稚男或童或孩發聲懇切

吊者酸懷附葬舊域隨喪以歸已矣劉君自古如斯有肉一豆有酒一罰

本作豆危我未吉集作一別去去長辭嗚呼哀哉尚饗

保甲集忠惠先生集祭保甲於林文 親以清酌庶羞之奠致祭于防城保

甲忠義死難之士於君之靈嗚呼哀哉枕卒叛命蕩為賊屠我昔治師恭

行天誅士衆穉驕陰與賊圖戰則先遁均為崔蒲爾獨忠義奮然前驅衆

亡被執怒此賊徒曾使必降誓死不汙裂皆髮衝氣象自如賊畔來之曹

射其軀天如蜩毛慢罵如初嗚呼哀哉委身蹈義得死乃趨生氣如在歿

與衆殊瞻彼圍城深愧士夫嗚呼哀哉痛爾酷禍慘傷余膺我實負念致